

Sinar Harian  
10/8/2020 mlj 25

**KUALA TERENGGANU** – Kapal Maritim (KM) Tok Bali memberkas tekong dan kru kapal melibatkan dua bot nelayan Vietnam kerana mencero boh serta mencuri hasil laut di perairan negara pada jarak 94 batu nautika dan 107 batu nautika dari muara Kuala Terengganu kelmarin.

Pengarah Agensi Penguatkuasaan Maritim Malaysia (APMM) Terengganu, Kepten Maritim Muhammad Suffi Mohd Ramli berkata, penahanan itu dilakukan menerusi Op Kuda Laut Siri I/2020 di perairan Terengganu sekitar jam 10 hingga 12 tengah hari oleh seramai 25 pegawai termasuk kru kapal tersebut.

“Keadaan cuaca yang tidak menentu menyebabkan usaha tangkapan mengambil masa sehingga satu jam. Ketika dita-

## Kapal Maritim Tok Bali tangkap nelayan Vietnam ceroboh, curi hasil laut

han nelayan terbabit dipercayai cuba melarikan diri untuk keluar dari perairan negara menuju ke perairan antarabangsa.

“Pemeriksaan lanjut ke atas dua bot yang dinaiki 31 kru termasuk tekong berusia 18 hingga 50 tahun itu turut menemui hasil tangkapan laut, bekalan diesel dan peralatan menangkap ikan dianggarkan keseluruhan berjumlah hampir RM3 juta,” katanya pada sidang akhbar di Pejabat Daerah Maritim 9 (DM9) di sini semalam.

Beliau berkata, kes itu akan disiasat di bawah Akta Perikanan 1985 kerana mencero boh dan menangkap ikan di perairan Malaysia dan Akta Imigresen 1959/63 kerana tekong dan kru tidak memiliki sebarang dokumen pengenalan diri yang sah.

“Bot-bot ini ditahan kerana tiada kebenaran melakukan ak-

tiviti penangkapan ikan di perairan Malaysia dan kru tiada sebarang dokumen pengenalan diri yang sah serta salah satu bot tiada nombor pendaftaran atau lesen.

“Kesemua tahanan dibawa menjalani proses saringan koronavirus (Covid-19) oleh petugas Kementerian Kesihatan Malaysia (KKM) sebelum diserahkan kepada Pegawai Penyiasat APMM untuk siasatan lanjut,” katanya.

Dalam pada itu, beliau berkata, sehingga kini sebanyak 27 buah bot nelayan asing melibatkan seramai 301 nelayan warga Vietnam berjaya ditahan menerusi operasi itu manakala 90 buah bot melibatkan lebih 900 nelayan Vietnam pula berjaya diusir daripada terus mencero boh perairan negara.

“Kita tidak akan berkomp-



FOTO: NORHASPIDA YATIM

**Seramai 31 awak-awak termasuk tekong berusia 18 hingga 50 tahun yang berada di dalam dua bot nelayan Vietnam turut ditahan dalam Op Kuda Laut Siri I/2020 di perairan Terengganu kelmarin.**

promi dengan mana-mana pihak terutama nelayan asing yang mencero boh perairan negara bagi mengaut hasil laut tanpa kebenaran yang akan merugikan

negara serta memandang serius penglibatan nelayan tempatan yang bersekongkol dan menjadi tali barut nelayan asing,” katanya.